



Broj: 10/E-11-6020/25
Sarajevo, 19-11-2025. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Opštinskog načelnika broj: 10-45-164/25 od 05.03.2025. godine, (u daljem tekstu: Komisija III), u postupku javne nabavke: Izvođenje radova na tekućem održavanju pješačke šetnice (pločnika) sa trgov u ulici Hiseta (lijeva strana) (Zapisnik o pregledu i ocjeni ponuda broj: 10/E-11-6020/25 od 11.11.2025. godine), Opštinski načelnik donosi

ODLUKA O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **“MIBRAL” d.o.o. Sarajevo**, ulica Srebrenička broj 1, 71000 Sarajevo, broj: 110-1.6.2-11/25 od 10.11.2025. godine, za izvođenje radova na tekućem održavanju pješačke šetnice (pločnika) sa trgov u ulici Hiseta (lijeva strana), putem otvorenog postupka, sa cijenom u ukupnom iznosu od 315.017,75 KM bez PDV-a, odnosno 368.570,77 KM sa PDV-om i rokom plaćanja 60 (šezdeset) kalendarskih dana.
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na protokol Ugovornog organa (originalne ili ovjerene kopije).
- III.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke: Izvođenje radova na tekućem održavanju pješačke šetnice (pločnika) sa trgov u ulici Hiseta (lijeva strana), pokrenut je Odlukom Opštinskog načelnika o pokretanju postupka javne nabavke putem otvorenog postupka, broj: 10/E-11-6020/25 od 13.10.2025. godine. Predmet nabavke nije podijeljen na LOT-ove.

Procijenjena vrijednost nabavke bez uračunatog PDV-a iznosi 340.000,00 KM.

Obavještenje o nabavci 848-1-3-127-3-218/25 objavljeno je na Portal javnih nabavki dana 16.10.2025. godine na Portal javnih nabavki (www.ejn.gov.ba).

U krajnjem roku za predaju ponuda koji određen tenderskom dokumentacijom (10.11.2025. godine do 11:00 sati), na adresu Ugovornog organa primljene su tri (3) ponude dostavljene od ponuđača: 1. „FLEX INVEST“ d.o.o. Sarajevo; 2. „MIBRAL“ d.o.o. Sarajevo i 3. „Dinalsa“ d.o.o. Sarajevo, što je evidentirano u Zapisniku o otvaranju ponuda, broj: 10/E-11-6020/25 od 10.11.2025. godine. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitane su cijene ponuda i rokovi plaćanja.

r/b	Ponuđač	Ukupno bez PDV-a	Popust (%)	Ukupno bez PDV-a sa popustom	Rok plaćanja (kalendarski dani)
1.	"FLEX INVEST" d.o.o. Sarajevo	322.128,66	/	322.128,66	60 (šezdeset)
2.	"MIBRAL" d.o.o. Sarajevo	315.017,75	/	315.017,75	60 (šezdeset)
3.	"Dinalsa" d.o.o. Sarajevo	292.074,45	/	292.074,45	60 (šezdeset)

Nakon izvršenog javnog otvaranja ponuda, na zatvorenom sastanku Komisija III je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa zahtjevima iz tenderske dokumentacije, Zakonom o javnim nabavkama i odgovarajućim podzakonskim propisima.

Na osnovu pregleda formalno-pravne ispravnosti ponuda i usklađenosti sa zahtjevima iz tenderske dokumentacije, Komisija III je utvrdila da ponuda ponuđača „Dinalsa“ d.o.o. Sarajevo nije u skladu sa tenderskom dokumentacijom odnosno da je nepravilna u smislu relevantne odredbe Zakona o javnim nabavkama BiH.

Ovu ocjenu Komisija III obrazlaže u Zapisniku o pregledu i ocjeni ponuda broj: 10/E-11-6020/25 od 11.11.2025. godine na sljedeći način:

Pregledom ponude, Komisija III je utvrdila da je ponuđač „Dinalsa“ d.o.o. Sarajevo uvezao ponudu, ali ne na način koji je propisan u Poglavlju 8. ZAHTEVI U VEZI SA DOSTAVLJANJEM PONUDE, tačkom 8.1. PRIPREMA PONUDE, podtačkom 8.1.4., koja definiše:

„8.1.4. Ponuda se izrađuje na način da čini cjelinu. Original ponuda treba da bude otkucana ili napisana neizbrisivom tintom. Ponuda se čvrsto uvezuje na način da se onemogući naknadno vađenje ili umetanje listova. Pod čvrstim uvezom se podrazumijeva da ponude moraju biti uvezane/ukorčene u knjigu ili da ponuda bude uvezana u fasciklu sa metalnim mehanizmom ili uvezana spiralnim uvezom i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom ponuđača, a u svrhu izbjegavanja manipulisanja stranicama ponude. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.“

Ponuda je uvezana u knjigu i osigurana jamstvenikom sa naljepnicom koja nije ovjerena pečatom ponuđača, što je suprotno zahtjevima tenderske dokumentacije, prema kojoj je ovjera pečatom tražena. Pečat služi kao garancija autentičnosti i ozbiljnosti ponude. Tenderska dokumentacija jasno propisuje određeni oblik ponude (uvezivanje, pečatiranje), te su ponuđači dužni poštovati ove zahtjeve, jer ih je ugovorni organ smatrao opravdanim s obzirom na njihovu važnost za verifikaciju autentičnosti, osiguranje transparentnosti i zaštitu interesa svih učesnika u postupku nabavke. Ovaj propust predstavlja formalni nedostatak koji se ne može naknadno ispraviti, jer bi time bio ugrožen integritet ponude.

Dalje je Komisija III utvrdila da ponuđač „Dinalsa“ d.o.o. Sarajevo u ponudi nije dostavio ovjerene ugovorne uslove (opći i posebni), iako su oni sastavni dio ugovora prema nacrtu koji je dio tenderske dokumentacije (Aneks 12), pa time nije potvrdio prihvatanje svih ugovornih uslova.

Članom 17. nacrta ugovora definisano je da sastavni dio ugovora čine i Ugovorni uslovi (opći i posebni) ovjereni od strane Izvođača radova (Aneks 11).

Ovi uslovi predstavljaju standardne pravne odredbe koje se koriste u ugovorima i imaju za cilj regulisanje međusobnih prava i obaveza ugovornih strana. Oni su ključni za precizno i jasno određivanje uslova pod kojima se izvršava ugovor. U tom kontekstu, opći i posebni ugovorni uslovi predstavljaju unaprijed definisane norme koje se primjenjuju na sve ugovore u određenoj oblasti ili vrsti poslova (Posebne uzanse o građenju). Ovi uslovi omogućavaju detaljno razrađivanje specifičnih odredbi koje se odnose na određeni ugovor, s ciljem postizanja bolje jasnoće i razumijevanja između stranaka (kao što su odredbe o rokovima za izvršenje radova, isplatama, okončanju i predaji, te obavezama izvođača prema nadzornim organima i slično).

Zbog toga je od ključne važnosti da svaki ponuđač jasno i nedvosmisleno dokumentovano izrazi svoju spremnost da prihvati sve uslove koji regulišu međusobni ugovorni odnos između ugovornog organa i izabranog izvođača radova. To podrazumijeva dostavu ovjerenih općih i posebnih ugovornih uslova, kako su navedeni u Aneksu 12. tenderske dokumentacije.

Komisija III je utvrdila da su ostali učesnici u postupku javne nabavke („FLEX INVEST“ d.o.o. Sarajevo i „MIBRAL“ d.o.o. Sarajevo) u svojim ponudama dostavili ovjerene Ugovorne uslove - opći i posebni ugovorni uslovi (Aneks 12. tenderske dokumentacije), čime su potvrdili da, u slučaju izbora njihovih ponuda, prihvataju i pristaju na primjenu uslova realizacije ugovornog odnosa za konkretne radove.

Poglavljem 8. ZAHTEVI U VEZI SA DOSTAVLJANJEM PONUDE tenderske dokumentacije, tačka 8.1. PRIPREMA PONUDE, podtačka 8.1.1, definiše se:

„Ponuđači su obavezni da pripreme ponude u skladu sa uslovima utvrđenim u ovoj tenderskoj dokumentaciji. Ponude koje nisu u skladu sa ovom tenderskom dokumentacijom biće odbačene kao neprihvatljive, u skladu sa članom 68. Zakona o javnim nabavkama.“

Član 57. stav (1) Zakona o javnim nabavkama („Službeni glasnik BiH“, broj 39/14, 59/22 i 50/24) propisuje da se u postupku javne nabavke kandidat/ponuđač mora pridržavati zahtjeva i uslova iz tenderske dokumentacije.

Član 68. stav (4) tačka i) Zakona o javnim nabavkama („Službeni glasnik BiH“, broj 39/14, 59/22 i 50/24) nalaže da ugovorni organ mora odbaciti zahtjev za učešće ili ponudu ukoliko ponuda nije potpuna i ne ispunjava zahtjeve iz tenderske dokumentacije.

U skladu sa gore navedenim, Komisija III je jednoglasno ocijenila da je ponuda ponuđača „Dinalsa“ d.o.o. Sarajevo nepravilna prema članu 2. stav (1) tačka I) alineja 3) Zakona o javnim nabavkama, te je kao takvu odbacila u skladu sa članom 68. stav (4) tačka i) Zakona o javnim nabavkama.

U daljem toku postupka Komisija III je jednoglasno konstatovala da ponude ponuđača „FLEX INVEST“ d.o.o. Sarajevo i „MIBRAL“ d.o.o. Sarajevo ispunjavaju formalno-pravne, ekonomske i tehničke uslove, odnosno da ispunjavaju uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu Zakona o javnim nabavkama.

Detaljnijom računskom provjerom ispravnosti prihvatljivih ponuda, Komisija III je ustanovila da su ponude računski ispravne, te da je ispravno obračunata ukupna cijena ponuda sa PDV-om.

U daljem toku postupka Komisija III je izvršila analizu, usporedbu, ocjenu i vrednovanje dostavljenih prihvatljivih ponuda prema kriteriju za dodjelu ugovora, shodno Zakonu o javnim nabavkama, a prema proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri i načinu vrednovanja – bodovanja kriterija za izbor najpovoljnijeg ponuđača kao sastavnom dijelu tenderske dokumentacije (Aneks 13.).

Primjenom tenderskom dokumentacijom utvrđenih potkriterija 1. Cijena 95% i 2. Rok plaćanja 5% i bodovanjem elemenata iz dostavljenih ponuda, u okviru kriterija „ekonomski najpovoljnija ponuda“, shodno članu 64. stav (1) tačka a) Zakona o javnim nabavkama, Komisija III je izvršila ocjenu i bodovanje dostavljenih ponuda kako slijedi:

R/b	Ponuđač	KRITERIJ ZA BODOVANJE „ekonomski najpovoljnija ponuda“		
		POTKRITERIJ Cijena 95% (bez PDV-a)	POTKRITERIJ Rok plaćanja 5% (kalendarski dani)	UKUPNO BODOVA
1.	„FLEX INVEST“ d.o.o. Sarajevo	$315.017,75/322.128,66 \times 95 = 92,90$	$60/60 \times 5 = 5$	97,90
2.	„MIBRAL“ d.o.o. Sarajevo	$315.017,75/315.017,75 \times 95 = 95$	$60/60 \times 5 = 5$	100,00

Rangiranjem ponude u skladu sa kriterijem za dodjelu ugovora „ekonomski najpovoljnija ponuda“, i potkriterijima za vrednovanje 1. Cijena i 2. Rok plaćanja slijedi:

RANG	PONUĐAČ	BROJ BODOVA	UKUPNA CIJENA PONUDE BEZ PDV-a	ROK PLAĆANJA (kalendarski dani)
1.	"MIBRAL" d.o.o. Sarajevo	100	315.017,75	60
2.	"FLEX INVEST" d.o.o. Sarajevo	97,90	322.128,66	60

Shodno svemu naprijed izloženom, Komisija III je putem javnog glasanja jednoglasno donijela odluku da se Opštinskom načelniku dostavi:

PREPORUKA O PRIHVATANJU PONUDE

Prvorangiranog ponuđača "MIBRAL" d.o.o. Sarajevo, ulica ulica Srebrenička broj 1, 71000 Sarajevo, broj: 110-1.6.2-11/25 od 10.11.2025. godine, za izvođenje radova na tekućem održavanju pješačke šetnice (pločnika) sa trgov u ulici Hiseta (lijeva strana), putem otvorenog postupka, sa cijenom u ukupnom iznosu od 315.017,75 KM bez PDV-a, odnosno 368.570,77 KM sa PDV-om i rokom plaćanja 60 (šezdeset) kalendarskih dana.

Opštinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 5.250,00 KM u skladu sa članom 108. stav (1) tačka d) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-6020/25 od 11.11.2025. godine



Dostaviti:

1. Ponuđaču: „FLEX INVEST“ d.o.o. Sarajevo
ulica Braće Mulića broj 79, 71000 Sarajevo
2. Ponuđaču: „MIBRAL“ d.o.o. Sarajevo
ulica Srebrenička broj 1, 71000 Sarajevo
3. Ponuđaču: „Dinalsa“ d.o.o. Sarajevo
ulica Huseina Đoze broj 3, 71000 Sarajevo
4. Službi za stambene i komunalne poslove
5. Kabinetu općinskog načelnika – Odsjek za javne nabavke
6. Službi za finansije
7. U spis